


Apostolski nuncij posjetio katoličke institucije Podrška radu Katoličke crkve u BiH

Apostolski nuncij u BiH mons. **Alessandro D'Errico**, u pratnji tajnika nuncijature mons. **Waldemara Stanislawo Sommetaga**, posjetio je u srijedu Generalno tajništvo Biskupske konfer-



Alessandro d'Eriko

encije BiH, Misijsku središnjicu, Katoličku tiskovnu agencije BKBiH te ured Komisije *Justitia et Pax*, javila je KTA, prenosi *Fena*.

Dobrodošlicu su mu izrazili generalni tajnik BKBiH mons.

Ivo Tomašević, te nacionalni ravnatelj Papinskih misijskih djela BiH vlč. mr. **Tomo Knežević**. Svojim prvim dolaskom i obilaskom spomenutih ustanova Katoličke crkve u BiH nuncij D'Errico želio je dati svoju potporu, ali se i upoznao s djelatnicima i njihovim radom kao i poteškoćama s kojima se susreću u svom radu.

Tokom zajedničkog susreta svih djelatnika u spomenutim središnjim crkvenim institucijama, nuncij D'Errico je istaknuo koliko je važan njihov rad za Crkvu u BiH, koja je tokom rata i u poslijeratnom periodu puno trpjela.

Broj katolika u BiH je gotovo prepolovljen i nuncij D'Errico u svim važnim susretima s domaćim i međunarodnim predstavnicima vlasti ističe tu žalosnu činjenicu potičući sve moćnike da porade oko opstanka i povratka katolika, ali i svih drugih koji su prognani ili izbjegli s ovih prostora, konstatuje KTA.

Međureligijsko vijeće u BiH Obustavite Zakon o prodaji nacionaliziranih stanova

Međureligijsko vijeće u Bosni i Hercegovini najvišim je državnim i entitetskim institucijama, te međunarodnim zvaničnicima u BiH uputilo pismo u kojemu izražava nezadovoljstvo zbog usvojenog Zakona o vraćanju, dodjeli i prodaji nacionaliziranih stanova.

Međureligijsko vijeće ističe kako usvojeni zakon zadire i pretpostavlja određena rješenja u Zakonu o restituciji, čije donošenje tek predstoji. Zakon, također, istaknuto je, ostavlja vlasnike nacionaliziranih stanova u situaciji

da definitivno gube mogućnost povratka oduzete imovine.

“Umjesto povrata stanova, stvarnim vlasnicima, odnosno nasljednicima, nudi se neadekvatna i bojimo se, neostvariva naturalna kompenzacija u stanovima kojima navodno raspolaže država, a koji su stvarno vlasništvo nekadašnjih, ali i postojećih pravnih subjekata”, kaže se u pismo.

Međureligijsko vijeće u BiH traži od visokoga predstavnika da iskoristi svoja ovlaštenja i obustavi provođenje Zakona koji je usvojio Parlament FBiH.

Izaslanstvo HDZBiH u Hercegovini Otvoren ured HDZ u Konjicu

KONJIC - U četvrtak je u Konjicu predsjednik HDZBiH **Dragan Čović** otvorio ured Općinske organizacije HDZ Konjic, u zgradi u kojoj su smještene i ostale konjičke političke partije.

“Do sada smo prostorije imali na periferiji grada, na Drecelju. Međutim, nakon što su nam dodijeljene prostorije u zgradi DPO (nekadašnja zgrada društveno-političkih organizacija), naše djelovanje biće umnogome olakšano, odnosno našem članstvu bićemo znatno bliže i svakodnevno na usluzi”, kazao je predsjednik Općinske organizacije HDZ Konjic **Ante Krajinović**.

Ovom prilikom izaslanstvo HDZ, na čelu sa Draganom Čovićem, održalo je radni sastanak sa vodstvom HDZ Konjic, a otvaranju ureda prethodio je sas-



Ante Krajinović

tanak i sa rukovodstvom Općine Konjic, na kojem je govoreno o aktuelnim problemima Konjičana.

Poslije podne izaslanstvo HDZ posjetilo je povratničko selo Kostajnicu, u koje se do sada vratio značajan broj stanovnika hrvatske nacionalnosti.

S. ČUKLE

Vijeće za implementaciju

Nije vrijeme međunarodne

Glavna tema dvodnevnog zasjedanja transformacija OHR
● Sulejman Tihić smatra da prije odlaska OHR treba prenijeti nadležnosti na državu Bosnu i Hercegovinu

Upravni odbor Vijeća za implementaciju mira u BiH (PIC) počeo je u četvrtak dvodnevno zasjedanje na kojem će raspravljati o transformaciji Ureda visokog predstavnika (OHR) u ured specijalnog predstavnika Evropske unije (EUSR).

Visoki predstavnik **Kristijan Švarc Šiling** na sjednici u martu nagovijestio je da bi reforma mogla početi u prvoj polovini 2007. godine, a članice UO PIC objavile da će na temelju njegovog izvještaja i “okolnosti u zemlji i regionu” otvoriti raspravu o sudbini OHR.

Bonske ovlasti

Mogućnost da će uskoro biti ukinute ovlasti visokog predstavnika, posebice bonske, koje mu omogućavaju da smjenjuje zvaničnike i nameće zakone, podijelila je političku javnost.

Ocijenivši ukidanje bonskih ovlasti “normalnim i dobrim za BiH”, lider PDP i ministar vanjskih poslova BiH **Mladen Ivanić** kazao je da je “prošlo vrijeme kad je međunarodna zajednica realizirala političke ciljeve iz Sarajeva”. Lider SDA, koji je pozvan na sjednicu PIC-a **Sulejman Tihić**, kazao je “da nije vrijeme za donošenje takve odlu-

ke”, jer će “antireformske snage biti slobodne da rade šta hoće”.

Tihić je sinoć pred PIC-om govorio o transformaciji OHR. Kako smo saznali u njegovom kabinetu, uoči sastanka planirao je govoriti o dva razloga zbog kojih OHR ne bi trebao biti ukinut - ustavno-pravnom i politi-

vrate u Parlament ili okupiti Vijeće ministara”, kaže naš izvor.

Tihić smatra da prije odlaska, OHR treba svoje ovlasti prenijeti na državu. Politički razlozi su promjene u regionu, neriješen status Kosova i odvajanje Crne Gore od Srbije, koji su se reflektirali na RS.

Kakve će biti ovlasti specijalnog predstavnika EU

Komentirajući činjenicu da je djelovanje OHR u BiH dosta kritizirano, pa čak i proglašavano protektoratom, Slatina kaže da treba promijeniti način na koji međunarodna zajednica radi, te naglašava da još nije definirano kakve će biti ovlasti specijalnog predstavnika EU.

Na konstataciju da opstanak OHR podržavaju u FBiH, ali ne i RS, Slatina je kazao da se “to ne može tako kazati”, te dodao da OHR smeta onima koji žele “rastakanje Bosne”.

Kako saznajemo, neke od članica PIC-a smatraju da odluku o transformaciji OHR ne može donijeti sam UO, nego cijeli PIC.

čkom. On smatra da je odluka o zatvaranju OHR ispravna, ali da nije vrijeme za nju, zbog neriješene ustavno-pravne situacije u BiH. Izmjene Ustava nedavno su odbijene, a sadašnji Ustav sadrži brojne mehanizme blokade, koje je do sada otklanjao samo visoki predstavnik.

“Jedino on je mogao riješiti probleme imenovanja u DGS, SIPA, pozvati poslanike da se

Direktor sarajevskog ureda Centra za evropske integracione strategije (CEIS) **Senad Slatina**, organizacije koja je uoči dolaska Šilinga u BiH tražila da više koristi bonske ovlasti, također smatra da OHR ne treba još zatvoriti.

“Ideja o transformaciji Ureda datira iz 2003. kada je konstatirano da bonske ovlasti ne doprinose razvoju demokratije. To je

Završeno snimanje filma

Priča o golgoti preživjelih logoraša

Premijera filma scenariste i režisera Sedina Mehadžića
zakazana za 20. juli ove godine u Cazinu

Premijera filma *Slunjska brda - život ili smrt*, scenariste i režisera **Sedina Mehadžića**, zakazana je za 20. juli ove godine u Cazinu. Radnja filma bazira se na svjedočenju preživjelih bosanskih logoraša, koji su, došavši iz zemalja zapadne Evrope, 25. augusta 1992. godine iz Hrvatske, preko Slunjskih brda, krenuli na put dug 125 kilometara prema Cazinskoj krajini. Njihov

Režiser se odrekao honorara

Film *Slunjska brda - život ili smrt* koštao je 29.000 KM, a sa svim ostalim troškovima (spavanje, hrana...) ne više od 104.000 KM. Snimljen je za 40 radnih dana. “Odrekao sam se svog honorara, a i profesionalni glumci radili su ispod tržišne cijene. Od Ministarstva kulture FBiH tražili smo šest hiljada KM za snimanje filma. Nismo ih dobili”, objasnio je Mehadžić.

cilj je bila odbrana BiH,

“Status oko sto ljudi koji su poginuli u četničkim zasjedama

na putu preko Slunjskih brda, ili onih koji su u logorima proveli i po dvije godine, nije rije-

mira o daljoj ulozi OHR

za povlačenje zajednice



Članovi Vijeća raspravljaju o budućem angažmanu međunarodne zajednice

zanimljiva argumentacija, ali samo ako bismo imali situaciju u kojoj svi ljudi imaju jednaka prava na cijeloj teritoriji zemlje”, kazao je Slatina.

CEIS, koji je nastao iz “Asocijacije 2005”, čiji je Šiling bio član prije dolaska u BiH, smatra da međunarodna zajednica treba dovršiti reforme u BiH. Slatina cijeni da je sam njen dolazak pokušaj “pranja savjest od kasne intervencije u ratu”, no naglašava da su Dejtonskim sporazu-

mom stvorene podjele i vještacke tvorevine, koje nisu nestale.

“U posljednjih deset godina međunarodna zajednica se trudila da razvlasti entitete i BiH kreira kao državnu zajednicu.

Uloga reformi

U tom su smislu i reforma odbrane, vojske, obavještajnih službi, pa i djelimična reforma policije... To je pokazatelj koliko možemo biti uspješni kada me-

đunarodna zajednica vrši pritisak”, kazao je on.

Slatina odbacuje argumentaciju zagovornika zatvaranja OHR da su se prilike u regionu promijenile “da više nema JNA, Miloševića...”, te dodaje da izjave o referendumu, ali i podrška tome iz susjedstva i “blage međunarodne reakcije” pokazuju “da ne treba zatvarati oči pred težnjama radikalnih srpskih krugova”.

A. OMERAGIĆ

Zahtjev Socijalističkoj internacionali SNSD i Dodik su ozbiljno prekršili principe

Predsjednik SDPBiH Zlatko Lagumdžija uputio je pismo Etičkoj komisiji Socijalističke internacionale (SI), predsjedniku Georgesu Papandreu i generalnom sekretaru Luisu Ajali, a povodom posljednjih izjava i djelovanja Milorada Dodika, predsjednika SNSD.

Lagumdžija je od etičke komisije Socijalističke internacionale zatražio da da iskoristi svoju moć “da ispoštuje Etičku povelju partija članica i da preporuči Vijeću na odlučivanje o članstvu i o slučaju nesuglasnosti sa Poveljom SI”.

On podsjeća na obaveze članica SI, koje su usvojene na osnovu etičke povelje usvojene na Kongresu u Sao

smislu budućeg statusa entiteta Republike Srpske i mogućih zahtjeva za referendumom i secesijom koji predstavljaju negaciju Dejtonskog mirovnog sporazuma.

On dodaje kako su ovi događaji usko povezani sa pitanjem referenduma u Crnoj Gori i objavljenim konačnim rješenjem za Kosovo.

“Na žalost, Dodik je djelovao kao zagovornik referenduma i secesije RS iz Bosne i Hercegovine”, naglašava Dodik.

Slične su stavove, navodi Lagumdžija, iznosio i predsjednik Narodne skupštine RS Igor Radojičić. “Ovim akcijama SNSD potkopava stabilnost BiH, dovodi u opasnost



Zlatko Lagumdžija



Milorad Dodik

Paolu oktobra 2003. U Povelji se, između ostaloga kaže da su članice SI obavezne “da se bore protiv svih ultranacionalističkih, fundamentalističkih, ksenofobičnih i rasističkih trendova te da se suzdržavaju od svih formi političkih saveza ili saradnje, na bilo kom nivou, sa bilo kojom partijom, koja pobuđuje ili pokušava da potpuri predrasude, etničku ili rasnu mržnju”.

Također, istaknuto je da Povelja predviđa i da “Etička komisija prati poštivanje aktualnog ponašanja svih partija članica i ovlaštena je da formuliše preporuke ili čak i prijedloge sankcija rukovodećim organima SI”.

Predsjednik SDPBiH podsjeća da je u proteklih nekoliko mjeseci lider SNSD dao nekoliko izjava koje otvaraju pitanje suvereniteta BiH u

proces Evropskih integracija, osporava suverenitet BiH, negira Dejtonski sporazum, osporava Helsinški konačni akt i dokumente OSCE, pobuđuje ultranacionalističke, fundamentalističke, ksenofobične i rasističke trendove, ne suzdržava se od aktivnog učešća u pobuđivanju strahova nesrpskih etničkih grupa od obnovljenog etničkog čišćenja, prekida već uspostavljene sestrično partijske i partnerske odnose sa SDPBiH”, navodi Lagumdžija.

Zato SDPBiH, navodi se u pismu, informira Etičku komisiju SI o ozbiljnim kršenjima principa koje jedna članica SI može napraviti, te traži da se ovaj zahtjev što prije uzme na razmatranje i da SI djelujete prema SNSD da ponovo razmotri svoju trenutnu politiku o ovom pitanju.

“Slunjska brda - život ili smrt”



Emir Bešić, logoraš i glumac

šen”, podsjetio je Murat Tahirović, predsjednik Saveza logoraša BiH.

U filmu, rekao je Mehadžić, glume profesionalci Mario Drmać, Melika Fakić, Nada

Durevska, Izudin Bajrović, Nermin Omić... te 620 statista i 50 preživjelih učesnika marša preko Slunjskih brda.

“Vidjećete, veliki je ovo film. Prizori su zastrašujući! Teško je

igrati uloge u ovakvim filmovima, posebno kada si u društvu ljudi koji su takve scene i tragedije uistinu prošli.

Ovo je jedna od istina koje se trebaju pokazati cijelom svijetu”, objasnio je Drmać.

Emir Bešić, preživjeli logoraš, u filmu glumi samog sebe. Sjeća se kako su profesionalni glumci plakali pri snimanju nekih scena, a, objasnio je, i njemu samom je bilo teško ponovo doživljavati jednom preživljene patnje.

“Na mjestu gdje su nas zatočili pronašli smo komade odjeće koju su u to doba nosili logoraši, ali i četnici”, rekao je Bešić.

Dva dana nakon premijere u Cazinu, film će moći, na više gradskih lokacija, pogledati i Sarajlije.

A. B.

Pred obilježavanje godišnjice genocida Borci iz RS blokiraju Podrinje

TUZLA - Demobilisani borci Vojske RS u ponedjeljak će blokirati sve saobraćajnice u srednjem Podrinju, potvrdio je u četvrtak za *Oslobođenje* Dragan Milošević, predsjednik Saveza boračkih organizacija opštine Zvornik.

“Sud BiH i predsjednica Medždžida Kreso ništa nisu poduzeli u vezi sa našim zahtjevom da se za ratne zločine počinjene u Podrinju sudi u Bijeljini, a ne u Tuzli”, kazao je Milošević, te dodao da su na strani boraca iz RS svi čelnici RS i državni ministar pravde Slobodan Kovač.

Čelnici boračkih udruženja iz Podrinja već duže vremena tvrde da je stanovništvo u regiji Birač uznemireno zbog istraga za ratne zločine koje vode istražitelji Kantonalnog tužilaštva Tuzla i Kantonalnog suda u Tuzli, te traže da istrage vodi Okružni sud u Bijeljini. Podršku su im dali i političari iz RS Dragan

Čavić, Igor Radojičić i Nikola Špirić, koji su plasirali priče o zlostavljanjima u tuzlanskom zatvoru. No, bez obzira na pritiske iz RS, Sud BiH nije donio odluku o proglašavanju Kantonalnog suda u Tuzli nenađeljnima za ratne zločine u Podrinju.

Poslanik u Narodnoj skupštini RS Sadik Ahmetović kaže da su zahtjevi demobilisanih boraca proizašli iz jedinica koje su počinile najveće zločine u Podrinju.

“Upravo zbog toga oni, uz podršku političkih struktura, žele da opstruiraju procesuiranje odgovornosti za zločine i genocid. Uz to, nije slučajno da se sve počelo dešavati pred početak jula, kada se u Srebrenici vrše pripreme za obilježavanje godišnjice genocida”, kazao je Ahmetović, te pozvao predstavnike istražnih organa da dođu na proteste u Podrinje, jer će među borcima najviše biti onih koji su počinili zločine. A. AVDIĆ